

2002002228
2002014158
105.6
25.11.02

RETNINGSLINER FOR TILDELING AV KOMMUNALT TILSKOT TIL LANDBRUKET I MELAND. Budsjettpost 14700 400 3251.

1. Føremål

Kommunalt tilskot til landbruket i Meland skal vera til hjelp i samband med investeringar på bruk som mottek produksjonstilskot, eller andre tiltak som fremjer landbruket i kommunen.

2. Bruk av midlane

Midlane skal i hovudsak nyttast til tekniske miljøtiltak, driftsbygningar, nydyrking, grøfting og godkjende tiltak som kan betra driftstilhøva på jordbruksarealet. Midlane kan òg nyttast til nyskaping, kulturlandskapstiltak (både landskapsskjøtsel og bygningsvern) og fellesprosjekt for landbruket.

3. Forvaltning

Det politiske organ, som har fått delegert mynde frå Kommunestyret til å avgjera landbrukssaker, skal ha ansvaret for å tildela midlane. Kommunestyret kan, etter tilråding frå dette organet, delegera mynde til rådmannen.

4. Tildeling av midlar

- Tilskotet kan berre tildelast gardbrukarar som mottek produksjonstilskot. Når det er aktuelt å tildela midlar, skal dette gjerast kjent i god tid før søknadsfristen 1. november.
- Tilskotet kan berre gjevast etter søknad og på grunnlag av godkjent kostnadsoverslag
- Tilskotet kan gjevast med inntil 20 % av godkjent kostnadsoverslag. For grøfting og nydyrking er tilskotssatsen kr. 1200 pr daa.

a) Krav til søknad

For å kunna søkja om kommunalt tilskot må tiltaket vera ferdig. Søknaden må fremjast skriftleg innan 1. november kvart år, og på fastsett skjema. Søknaden må innehalde:

- Kva tiltaket går ut på, og nytten søkjaren har hatt av tiltaket.
- Opplysningar om søkjaren
- Kostnadsoverslag og finansieringsplan

b) Utbetaling

Før tilskot kan utbetalast, må tiltaket vera gjennomført, og det må liggja føre skriftleg stadfesting på dette. For større tiltak kan det òg krevjast godkjent rekneskap.

c) Misleghald

Dersom det oppstår tilhøve som er i strid med føresetnadane for støtta, kan Meland kommune avgjera at tilskot skal betalast tilbake heilt eller delvis. Krav om innløyising av tilskot kan ikkje setjast fram seinare enn 5 år etter utbetaling.

d) Sakshandsaming og klage

Administrasjonen fremjer i ei sak kva som skal prioriterast for tilskot, og ansvarleg politisk organ for landbrukssaker gjer vedtak om tildeling. Kommunen står fritt til å vurdere tilskotsstorleiken innan gjeldande rammer.

Vedtaket er eit enkeltvedtak som kan påklagast etter forvaltningslova. Administrasjonen vil kunne gje nærare rettleiing om klagehandsaming. Kommunal klagenemnd er klageinstans.

25.11.
